

重刻來瞿唐先生日錄

重刻來瞿唐先生日錄

外篇第三卷

遊我眉稿目錄

我眉賦

平都仙境

五言排律

江邊却周東郊計部送遊山資短述

長短句

寄黎少朴

絕句

大渠隱窩

騷

寄曾元川

五言排律

贈章節婦

選

巫峽行

送周紅崗

登大義石隱窩

二首選

不如齋

道言

凌雲寺

七言古

無痕吟

六首選

淨土庵

長短句

大嬾歌

四首

快活庵稿目錄

齊居日

四禁

快活庵吟

道言

小酌

七言律

灌園

七言律

贈宗姪章還宕渠

七言古

夢醒

七言律

飛雪行

贈古建吾

荅劉鼎石見寄

長短句

雙喜篇

贈顧象葵七言古

晚坐 七言律

送吳鳴山落第西歸 七言律

寄宗姪章 二首七言律

高青庵過二姪家數日枉之不至致之以詩 近體

戲荅大池病中見寄 七言律

荅人 七言律

青城歌 贈李子喬明府

贈顧象葵 七言律

贈曹荔溪中丞 七言律

寄白牛和尚

歌

贈黎學博

七言古

謝傳達吾送日錄序

七言律

邀蕭學博

七言律

荅顧象葵

長短句

寄謝顧車張萬四博

二首七言律

贈劉明府

七言律

鰕鮒篇

送人南遊

獨步

七言律

贈吳徵君

七言律

讀江津名宦甘公碑

選

與張村飲薄酒席上口占奉贈

七言古

顧象葵許載酒快活庵遲之再三不至戲之以

十六句

七言律

送劉思泉

五言律

題華封三祝圖

壽楊東泉少府選

八開稿

當置酒

八首道言

遊吳稿

登小孤山 三首五言律

鳩磯廟 二首五言律

鞋山篇 七言古

歌風臺 七言古

黃鶴樓 七言律

燕子磯 五言排律

石鼓歌

來瞿唐先生日錄

遊峨眉山稿

遊峨賦

春到草堂陽回。瓦屋玉壘之積雪。方消濫潏之孤根。
漸沒客有紉五芝之秀。纓九畹之英。儼墳素之邃圃。
眎往獻之清芬。識風雲之變態。詠雅頌之徽音。睢蓬
壺之岑家。嫪日月之飈奔。乃扞枯桐戒力。從遂奮袂。
於蟠龍更馳突。於鍊鳳瘳扁舟而逆水。兮歷忠涪而
平都。恁宣公之忠懇。兮靈丘空嶢嶢而榛蕪。入鈎深
而仰止。兮卓承學之刑模。羗妖廟之誘民。兮走九坑

之芑狐趾塗山之嶠峭兮貼賈辨於斯須涉凡水之
潤泊兮驚清夜之將徂望寶峰之寵從兮哀履屨之
伯奇彼先童之克勵兮終劉仙之可疑迺弔節於叙
健兮盼越雋之葱蒨閣鎖鍊於青蚪兮江澄金於素
練紛吾既離鄉土兮登凌雲而相羊覽長公之遺墨
兮哀金奴之可傷望眉麓而奔涉兮睨娉黛之葱蒼
躋瓊樓之眞境兮跨虹橋之解脫俯玉女之雙峯兮
呼歸雲而入閣古洞室室而爛柯龍髯瀾瀾而流淙
剛風颭颭而吹衣齧石嵒嵒而斷履噴避世之楚狂

兮甘粹茹於落莫豈知鳳德之未衰兮斯道萬年而
振鐸憇大峨之臥石兮斟玉液而小酌披古字之苔
蘚兮蟠蛇蚓於雲壑及至三望更歷雙飛奔雪濤而
碨錯兮掛銀冰於十圍擎滉漉於巉巖兮心與塵世
而相違倅思邈之虛牝兮啓撫罪之重扉智欲圓而
行方兮吾非斯人而誰歸乃尋天柱深趨翠微轟轟
鷗鷺而失路兮替樵徑之斜暉臨雲表之園寔兮因
泫漚漚而歔歔尋九老以澶漫兮不火食而長嬰塘
庚寅以永年兮觸石芝而自肥約秋深以獨往兮共

跌跏而忘機。我饑調矣。我僕痛矣。乃聆八音於陂池。
兮。櫛萬松於崩崖。大雲小雲。黑水白水。礧礧礧礧。
礧礧礧礧。礧礧礧礧。礧礧礧礧。礧礧礧礧。礧礧礧礧。
瘡戴癭。篆蝸踈螳。旣胡孫之有梯兮。豈蚍蜉之能止。
劣穴龕殷殷之雷。覬石麒麟之兕。忌警吳於傖但。
兮。劈越嶽歆之梅子。吟天上之重來兮。洵驪邁之錯。
喜。八十四盤袖。消雲蘂。更有縈路。沿彼躑躅。捫豐草。
而擣上。指雪嶂而隄高。入獐狍之公穴。蹈鷄鷄之咕。
巢。豁霧霏而起霧。樹布濩而垂條。厓未傾而似墮。石。

已裂而猶交，流雲霏霏而成水，枯杉斃斃而如魃骨。
驚心悸，意奪神逸，俯仰覲覲，去住翫瞧，爾其雞園神。
碧鷺館，梯霄飛簷，啄雉疊桷，盤蛟或支蝸石，或就繩。
橋或依獠穴，或枕螭坳，憑太清以飛構，越埃壒以騰。
稍莫不凝魂幽磯，委骨荒椒，窮年累歲，茹草吞蕭，快。
蒲根之漸老，瞥松子之方彫，喁者域之榮樹，謾佛調。
之眠虎，革囊來天女之試紅芙，縱烈火之燒海水，可。
竭須彌，可搖大半，秦人而越客，間有投冠而弃貂，乃。
度天門之閼閼，今登光相之削硤，撫杪欂而四望，今。

信蜀道之登天向沆瀣以縱觀兮識坤靈之磅礴指
點巴字之縈紆遙對大荒之寥廓岨峽晒經巫陽劍
閣三江五溪周迴聯絡衆水奪其蹄涔諸山覩其搭
撮或虎變而龍馴或蹕麟而翥鸞或牝癭偃蹇而斃
躡或駟傴髻髻以號攫或螺贏而螭蠅或蟻蠊而螫
螫或灌叢而茂悅或宿蒼而沃若或怪兮三足六眸
或奇兮九頭一角或連兮淵客榜人之歌淮南風波
相隨或斷兮匏瓜牽牛之處河漢東西相却或覆兮
孤臣逐客窮窮譏譏悄悄之有懷或舒兮酒侶詩儔

嘲弄風月、醫醫之長嘯壯兮、力士之干戈烈兮、
之審諤高兮、千年萬世挺秀於魯丘鄒軻之間、卑兮、
朝再暮三、投足於秦關燕市之末、同兮、依形附勢而
奔趨、異兮、樹黨立朋而相割、南威青琴兮、燠其美、寧
成、隼麋兮、呈其惡、狀別形、衆糾纏、赧駁、本物態之變
幻、類人事之紛錯、亦令人喜、亦令人愕、乃拂吟袖於
高寒、振塵衣於碧落、浩浩乎、不知所乘兮、登闌風而
綫馬、翩翩乎、隨其所適兮、濟神水而駕鶴、乃若連氛
累靄、揜日韜霞、崩雲屑雨、或近或賒、洑湫澗、吼電

揚沙四塞籠煙似公超之有述單衣索纊歎遷客之
無家及爾長風擁篲盡掃浮陰雲驅萬壑日入千林
爾其白毫挺出恍若玉珎之蟠空疎霧平鋪宛如野
馬之撲面俄而蝮螫巨於厓牙鳥語鳴其佛現豈大
士之弄丸兮以有爲爲露電或礧質之鬱英兮乘薺
輝而流絢方施鞭而吐火兮成纓就而規練乃若斗
杓旣不啓明尚杳午夜風微寒霜寥宵少焉暝色曠
隴燿光縹緲始而散出幽邃繼而遙分雲表依厓乍
吐若藜杖之生花過嶂愈明如星珠之泛島一往一

來或巨或小熠燿宵流火泉夜曉將落雪而齊飛值
雄飈而更燎好事者謂之聖燈竊理者莫之探討意
者山魃木叟蜃樓海市之類經之所謂見怪物則祀
之者也因勝槩之偶來念此日之難得水將將以浩
漭山矗矗而巖嶭足踟躕而九迴心惆悵而百拆瞻
上林而盼望兮驚題柱之奇才對春樹以遙思兮傷
騎鯨之可哀嗟知己之機何旣遭逢之不偶每景短
而思長或輪平而路陡使桓譚之鑑別少差兮文章
幾於覆瓿彼李定之萋菲旣售兮甲兵起於臂肘以

夫子之忠懇兮宜鼎司而台斗何此理之不然兮竟
東擯而西走故是非蓋棺而後定毀譽何世而不有
遠眺長思感今追古孰孌孰嬾孰嬾孰嬾孰懷瑜兮
孰握瑕孰飫甘兮孰攻苦彼鷦鷯之較鵬鸞兮固殊
形骸而蟪蛄之與螭螭兮同歸塵土是以至人檻金
鏡達士坐塊玄脩身兮其損在我鎔鑄兮其默在天
默我窮兮則螻蛄屈默我達兮則鳳鸞或可以肆我之
志兮羌賣卜以何嫌如俯仰之無愧兮笈翁亦至今
而猶傳苟棲不擇木翔非日邊投彼琳瑯負此龍淵

雖有賢臣之頌兮亦明月無因而至前故寧陳情而
泯泯看霜市以嫋嫋繫此夕其何夕兮余何爲而山
嶢俯仰古今於一望兮眇天地之何小何芝蕙之不
焚何松柏之不草嗟買銳之長鳴兮歎西昏而東曉
方見紫而成綠亦視丹而爲皜信陵谷之盤渦終舜
英之難保登九疑兮隔洞庭望滄海兮迷蓬島旣達
觀於真宰兮胡脫跡之不早曷不齊萬物於一致兮
委彭殤於壽夭歌在陸以弗告兮與茲山而並老招
浮伯以容與兮巢雲窩於雲表擁香國之崇蘭兮樹

空谷以自好。拳薜荔以自娛。今時濯纓乎幽沼。雲無
心兮洞門。鳥長鳴兮木杪已矣乎。吾將反觀乎太初。
今求自得以爲寶。奚囁嚅趑趑乎浮名。今坐令朱顏
白足。彫剝紅塵道。

平都仙境

鳥道前朝樹珠宮背郭山蒼蚪騎霧帶青鵲啄雲
窈窕仙應逝招呼鶴可還孤舟千里遠長劒五遊斑
春倒誰人甕鷗忘急瀨潺一琴隨月住半榻借僧閑
醉後題殘句鐘聲起暝灣

江邊却周東郊計部送遊山資短述

江之水悠悠遊人之心扁舟舟之帆渺渺遊人之心
三島一凡轟轟日未暮黃芽丹鼎知何處遠心惟許
白雲知素琴時或韜芳杜美人江邊贈木難別鶴一

操生高寒談玄浮白傾意氣孤鸞夜啄金琅玕江南
採樵江北釣兩下生涯不同調白水青山各適情偶
然相對還相笑已知駿骨老無名猶耻邯鄲路上行
養鷄牧豕非吾事商饑惠飽何足評

寄黎少朴

十年一調滄浪曲別後何曾寄所思行到涪陵彈不
得扁舟直載到峨眉

大渠隱窩

爲夏少素題

若有渠兮蘭皋紆湫澨兮江腰走霜礪兮直下若奔

逸兮蒲梢橫折兮盤旋跨江心兮虹橋峿嶮龍從兮
連螭巫陽中流兮孤標集鳬鷺兮嗟並列長陣兮沈
寥漁舟成村兮蒹葭長歌欵乃兮短橈彼美人兮少
太素織秋浦兮雲綃喚虹霓兮東壁飛青玉兮紫毫
搴芙蓉以爲冠兮緝杜若以爲褱纓澧芷以爲旌兮
擷江蘼以爲袍馭流星兮霄漢騶玉蚪兮超遙回看
鵬九兮生鱗長逢巽二兮鳴號而何有此兮夷猶反
初服兮明朝渠有圃兮黃華渠有屋兮重茅觀渠澗
兮春夕弄渠月兮秋高我吟我渠兮散髮我飲我渠

兮山肴覺今兮我是追昔兮我勞瘁予來兮歲云莫
乘夜雪兮輕舸拂袖兮何人何人兮塵囂登堂兮薜
荔把袂兮松醪安得招吾黨之供奉兮山中乘黃鵠
兮飄飄三人同歌兮桂樹剖彩霞之片片兮金刀欲
來不來兮悵望積長思兮鬱陶

寄曾元川

驟雨飛青嶂驚風吼赤螭雲迷巴子國花落穆清祠
對面看溪漲前途問楫師市情歡滯客天意欲催詩
有美蘭堂契雄才藝苑知東山留謝穩北斗仰韓奇

附驥慚先達登龍已後時
煙霞鷗夢草湖海鴈書遲
身世虛舟過韶光野馬隨
十年嗟一別長劒起孤思
先氏厓何在劉仙洞可追
丹沙期熟鼎玄髮漸成絲
駐景應無藥流杯喜有池
吟餘迷處所荻畔叩鸕鷀

贈童節婦

十八嫁梁鴻珠落承雙玉
未及十年餘先折連理木
嗟哉女君子迥然鳳皇族
金石冷愈堅冰霜秋更肅
封章自九天清節傳三蜀
翻笑桃李華嫣然媚人目
一夜風雨深東西相追逐
人生天地間來往成飛轂

惟留節與義千載光帛竹我姊亦孀居宛若風中燭
爲爾歌栢舟因之傷黃鵠

巫峽行送周紅岡

我持一杯酒送爾下巫峽巫峽峯高一線天不獨白
鹽爭赤甲虎鬚之水鳥道來江高峽急迅於雷遊子
歸心將別棹春風吹轉還復回送爾行爾知否象馬
三足高驤首頭角鮮文齧蚪蚪秋清怪作蛟螭吼處
處餘舫避戈起止因底柱狂瀾走米公長與爲心友
騷人詞賦饒卓斗其間墨跡誰不朽西有白帝刺雲

霞殘墻墮壁生土花千尋鍊鎖鏟蒹葭蛇虺蟠結護
厓牙卧龍不是池中物躍馬翻成井底蛙此日何日
同書車昔時龍馬化泥沙草堂之子空咄嗟鼓鞶刀
斗壓哀笳文章不得當胡麻秦川歸去已無家寒蟲
空叫夕陽斜爾去一望思無涯送與行說與爾酒闌
起舞開肝髓蓋世英雄原無許江有鯨鰲山有兕天
地許生還許歿生歿如朝雲窮達如暮雨朝朝暮暮
成古今都入陽臺一夢裏夢中誰放夢中真將真誇
口癡人前送爾行爾淚何潸然天生爾才不爾用匣

中三尺空流涎負郭知無田買山應無錢仰天白日
叫九疑九疑又重玄我有舊雲巢巢在十二巫陽之
標巔于今 別一千年吾友安期與偓佺幾入輪迴
可憐止遺我舊杖長掛在雲煙此杖能作人語說
世間之浩劫能化人龍穿雲逐霧上下二儀徧九天
爾可騎去關天門會奉仙仙中如遇東方朔道及瞿
唐子今又下人間遊峨眉元坐八十四盤之厓簷臨
別送我巫峽之雄篇

登天峨石隱窩題贈高鼎厓

用韻

大石何峨峨青葱飛歷落蚪枝淨塵氛鳥道呈輝萼
谷響應僧呼溪雲隨客屨神水九曲流入石相迴薄
噴沫秋林深饑蛟吞海若有仙人字蛇蚓蟠雲鶴
一舉到層霄不爲塵沙縛往者李輔公結屋臨崖巒
斟水淨煩襟朝夕相斟酌偶爾賦明光通籍紫微閣
直道世難容方柄戾圓鑿倏忽貝錦生秋蠅相糾錯
孰知高有子有子還聳嵒挺然叫帝閭上書起神鑰
九重開網羅一雨洗寥廓本將明此心非爲戀人爵
回視前靈君寂然原不作譬彼秋月清蟾光本昭燦

偶被浮雲妬冰輪猶如昨卓哉高生奇奮志卑伸
我來遊峨眉捫霧搜霜鏤一見豁我懷對僧書婁約
誰將漢緹縈青史輕筆削

不如齋

爲蘇龍溪題有序

蘇以坡仙爲遠祖壁間有薄薄酒墨跡愚意
長公薄薄酒勝茶湯亦自寬之言也故因不
如齋而發之

薄薄酒不如旨粗粗布不如綺醜妻惡妾不如美也
知三事不如人有命存焉將何以君不見梧桐標薄

長高崗不如豫章松柏成棟梁一朝收入舜絲譜八
音九奏相鏗鏘又不見菊英冷落生秋夕不如午日
牡丹饒情麗柴桑種後發奇葩千古名花爭隱逸世
間花木且不齊何況飲食衣服與夫妻南陽草廬今
卽古洛中安樂追東魯二公猶似在人間酒微醺後
歌梁甫金張樓閣侵雲霄風吹雨打無人補朱顏浪
說滴紅水王孫芳草翻淒楚鼯鼠臨河長自誇羊腔
不必爭龍脯古來賢達者未必同頭顱誰將南山榮
博我北山枯嫣然一笑看蒲葉欲向尊前擊唾壺

凌雲寺

崑崙拾得盧敖杖煙霞長就龍髯樣白足隨之走青
嶂步電追風生曠放俄而一柱過江濱捫蘿躋石已
凌雲絳節青幢饒紫氛步虛天路覺平分敝屣曲磴
開花島眼角峨眉生縹渺回視孤巒九點青雪濤宛
轉波聲小是時詩思逐波來乘虛還上爾雅臺坡仙
遺墨猶如昨墨池何事生青苔苦竹叢深半枯樹云
是昔人玩易處玩易之人久不來洞口殘雲白朝莫
鳥語頻呼浮玉前趺然一坐聽留連似傳閬圃羣真

信秋深共約扶桑顛莫讀金奴事讀之驟下崩城淚
莫見仲常碑見之瓦甃亦生悲人生礪石投大澤百
歲光陰何逼窄一朝鍊石振綱常世間莫謂無黃黑
不似浮屠到處空鑿霧穿雲成窟宅回首微風起碧
寥杖挑麗句下虹橋一時過眼成陳跡止見舟中月
一瓢

無痕吟

六首

欲弄峨眉月先登解脫坡何人未解脫足跡長經過
偶逢木羊子鞭羊走層峨層峨綠玉杖求我解脫歌

一歌成一笑再歌欲如何

黃鶴久不至異人招不來緬想千載師鳳德不曾衰
斯道日中天長夜良可哀流水赴大壑一去不復廻
坐久抱孤想三歎石崔嵬

白龍吐銀水黑龍噴鍊汁黑白爭雌雄波濤騰千尺
王詡駕孤舟飄飄臨空碧孫仙約我遊銀漢橋頭立
不見弄舟人只見舟成石

雲從腳下起鋪作銀世界泉從頭上落結作珍珠帶
我時欲佩珠步虛搖綵繚九仙如槁葉裊裊隔霞拜

問我胡不來遺世窳仙瀼前年欲寄書青鳥去天外
我登七寶崖木蓮正葳蕤四塞連天霧不便我與尔
俄而天霽開彩嶺排光紫閃爍兜羅綿絢藉巨玉壘
明滅頃刻間復暈亦復止無從何處去有從何處起
欲問騎象人默默不得語

一登成一笑一笑成一吟未登百年前笑我無此身
既登百年後笑我空此名有名竟如何不如了無痕
長揖當途客從此少逢迎因號無痕子一嘯卜瑤岑

淨土庵

既登光相巔還來訪淨土淨土支撐不可攀瓊樓貝
闕掛孱顏晒經削碧雲霞外瓦屋團青咫尺間削碧
團青何磅礴遠遠奇巒仍漢落媧皇補石莫雲深力
士一去誰施鑿生來山癖一龍鳩眼底崖前事事幽
枯木如人立浮雲作水流朝煙連暮雨六月亦三秋
客或從天馬僧多自伏牛伏牛天馬何隱隱江海誰
人發深省曇花落處月悠悠祇樹生時雲泯泯泯泯
悠悠不可知正是遊人發興時覽勝馬遷追禹跡尋
源博望觸支機尋源覽勝誰高格仙人掌上雲初白

待我相看青鳥還與汝同開白蓮社

藤庵

崖石將欲墮支石穿藤坐老僧好打眠鐘聲莫敲破

大嬾歌

荅雪谷四首

噓噓噓噓來矣鮮家住十二峯之巘小時銳志齧墳
典一重茅屋書千卷猛然一日收鷄犬破琴碎鼎燒
絲繭西溪萬尺東海淺長與造化相游衍嬾兮嬾兮
嬾可憐手提紅月滴娟娟

人生酬世長自苦贏得榮名光祖武一朝血肉無人

主陡然毛髮化爲土草深棘蔓眠狐鼠夜深怪作人
歌舞虛名與影一般同無形有影竟何補幾回雲滿
孟嘗門雍門未見先酸楚懶兮懶兮懶已真一行秋
鴈下高冥

得得得宇宙懶人誰主客白日當空鳳一鳴百鳥聞
之咸腦裂駟馬明明臨九陌浪說螳螂能拒轍莫卧
陳搏石莫買游岩宅莫披漆園衣莫釣巖光澤四子
小小懶溪山將謂鷄蘇同狗虱懶兮懶兮懶愈豪兩
間浩氣相森蕭

生平問學愛放膽焉然處處多逍散天地生吾有意
無倏爾年來成大嬾佳間勒人愁不愁紫袍常照席
前羞自笑自笑長自笑烏紗不慣懶人頭偶來峨眉
巔上遊一望天涯滿目秋九河同是水五岳盡成丘
千古以前風颭颭千古以後月悠悠世上嬾人誰是
儔吾將與爾同去騎鶴登瀛洲

遊峨眉稿

終

快活庵齋居日

遇齋居日卽開門謝客

凡

聖誕祭丁元旦冬至日先一日齋居遇祖先生日忌
日本日齋居祖先生歿于元時已前者恐時日不
真不敢齋居生歿於

大明洪武以後者齋居今將應齋戒期日列于后
正月

三十日祖妣劉氏五忌日

二月

二十二日顯考朝生日

三月

清明日

十三日祖妣劉氏五生日

十七日祖妣李氏四忌日

五月

二十三日祖尚廉生日

二十四日顯妣丁氏九生日

六月

初三日祖妣胡氏三生日

初八日祖妣胡氏三忌日

十六日祖妣張氏一忌日

二十二日顯考朝忌日

七月

十五日祭祖日

十七日祖妣李氏四生日

十八日顯妣丁氏九忌日

一十日祖昭忌日

二十一日祖晁富生日

二十七日祖志清忌日

八月

初十日祖晁富忌日

九月

十二日祖妣許氏八生日

二十三日祖昭生日

十月

初二日祖志清生日

初五日父母劬勞日

二十日祖妣張氏二生日

十一月

十七日祖尚廉忌日

十二月

二十一日祖妣許氏八忌日

歲除

右春秋祭祖蓋取雨露旣濡霜露旣降陰陽來往之意也故當在於仲春

仲秋俗人泥於介子推之說寒食上墳泥于孟蘭盆之說七月十五祀祖德每欲革之從

仲春仲秋但常見唐玄宗有詔書云寒食土
墓禮經無文近代相承寢以成俗則自唐宋
已來已不能革矣雖非二仲
然亦不失於春秋也故從之

來瞿唐先生目錄

快活庵

快活庵四禁

不枉見有司

不入縣城西門

答拜
不論

不釋麻衣

不目奉殺生

快活庵吟

山人長快活。今逢九日九。卜此快活地。剛剛占一畝。
豎此快活庵。圍以先生柳。間之通仙梅。松竹相成友。
樹外鑿一池。種蓮兼及藕。庵中快活人。栽培天獨厚。
養此快活心。動息相操守。譬如養嘉禾。先要除稂莠。
又如扞明鏡。歷歷去塵垢。一旦陽當空。陰霧撤豐蔀。
主人旣快活。衆賓悉樞紐。頭喜快決冠。烏紗等白紵。
手喜快活事。忠信佩兩肘。身喜快活衣。飛鷄任蚬蜆。
眼喜快活書。抱犧字蝌蚪。口喜快活言。仁義成談藪。

脚喜快活路。不冒倖險陡。腹喜快活飯。兼味惟菰韭。
飯若方消時。喜飲快活酒。酒如得興後。得興卽擊缶。
缶聲帶長歌。快活直到酉。酉後如微醺。整衣自抖擻。
便吟快活詩。縱筆如揮帚。吟後臥藤床。就夢登岫嶽。
漸漸上雲霄。弄月捉星斗。夢中更快活。兩腋生飈飈。
次早山童報。紅日射茶臼。起來不梳頭。且看花開否。
忽然客到庵。五七相携手。或論赤子心。因爲誰方剖。
或論先天圖。黑白分奇偶。盡日快活話。日晚不覺久。
客亦再三謝。頂門一針灸。送客出庵外。行行到溪口。

白雲沿溪來。俄而成蒼狗。與客共一笑。快活方回首。
快活人不知。牛馬隨呼喚。我也只快活。懶爭及覈殼。
快活人若知。隨他羨瓊玖。我也只快活。不論覆醬瓿。
人生一場戲。傀儡分先後。自開傀儡場。都入紅塵走。
車聲雜馬蹄。齊向紅塵吼。及爾吼罷時。一竝入囊篋。
少小卽看破。今成快活叟。快活更快活。身上漸飴耄。
快活至百年。此身非我有。一笑還造化。不知我是某。
惟遺快活名。朝暮在培塿。清風吹卯辰。明月照子丑。
風月快活成。一片應與乾坤同不朽。

庵在悅我堂之側快活之名蓋山人自命云

小酌

萬尺蒼松躡美髯一壺小酌到山尖已知白髮嫌青
鏡幸有黃流媚黑甜雨後晴光排素嶂春深草色上
疎簾笑看此境須拚醉說與東風莫捲帘

灌園

蒼山白石枕寒溪碧草玄猿向晚啼渺渺清泉排雪
出蕭蕭綠竹掠雲齊宦情半是持鷄肋
看誰學
馬蹄却笑老狂真率久滿園春色灌蔬畦

贈宗侄章還宕渠

春雲漠漠春將暮
春風不度烏桺樹
前山一夜麴塵
波萬紫千紅飛滿路
有客有客自宕渠
紉蘭纓蕙茝
爲君十年不夢池
中草雲深何意到
蛟廬一見仲容
相絕倒香名入耳
知多少紫庭丹穴
果非奇夜光結
綠難爲寶笑我餐
霞老更狂粟留日
日喚求羊芰荷
坐破沙鷗席懶看
人間舞袖長留爾
溪邊釣紅藥共
看溪雲流大壑自
古儒林道味長酌
醯焚枯原不惡
丈夫策足當及時
走馬獻賦明光墀
誰道陽春知者

罕江湖何地少鍾期浮生百年會有役大都謗譟方
生翺肯將白日欺紅裝坐惜青陽老蒼碧南山有豹
卧空岡也因苦霧變文章無知之物且如此五車何
況讀縹緗福利一壺聊出祖生銅三尺乘風舞行將
飛步出塵冥榮名岌業懸家譜莫訝音徽路間關文
華夜夜斗牛間去矣不忘雩舞樂流水桃花月一灣

夢醒

石林脩竹淨蘭皋霧嶂霜砌掛雪濤松閣吟成苔色
靜藤窓夢醒月華高季鷹豈爲思尊去蘇晉何曾假

酒遞自是疎慵心卽遠柴桑原未學壘騷

飛雪行贈古建吾人京便省

長風吹雲入紫冥飛雪亭高掛太清銀冰直瀉二千
尺星槎縹緲下蓬瀛天吳前驅海若舞馮夷揚桴伐
鼉鼓翠搖十二竹枝娘李白空吟夢天姥美人意氣
吸長虹青霄赤翰橫秋風一朝龍節分江國冰壺玉
鑑懸高空廟廊不日徵朱邑湖海于今識次公宦情
從此同飛雪不必披圖驚往謀龔牛韓鯉何須同自
有今人各高格鶴髮雙親並壽時青士蒼官老更奇

龍章已識從天降烏啄徘徊各有私瞻雲久切三川
遠愛日長懷百歲期褰帷又泛巫陽楫江怪遙看五
玉疑芸暉重喜斑斕舞鴛鴦還隨太液池百年忠孝
兼之少幾人拾樵不傾葵笑我懶成豐草鹿蝻蟊盡
日眠空谷離羣又復六年餘野馬牽人飛電轂朱絃
別後何曾彈止調一腔山水綠泯泯相思欲聚星忽
忽無緣同秉燭醉後誰歌蜀道難五雲多處是長安
盧溝橋畔車如蟻蕭蕭送客五更寒恍似兒童騎竹
馬歡呼繚繞上嶺吮夢殘濯錦橋頭月好拆燕花寄

澧蘭

荅劉鼎石見寄

天欲生人莫生昭君手琵琶馬上塵蒙首我欲賣物
莫賣豐城劍斗間紫氣人難見周冕殷嘒價自高誰
人持此去游遨甌駱從來多祝髮嚶嚶幽荒祗自勞
芳草麒麟難着脚捫漢緣霄羨猗猗老義到此不平
處應動胃中萬古刀亘古亘今皆如此非我之所召
亦非人所使天道不將流離埒軻與斯人誰人矯志
成君子一笑清風賀若絃自家歡笑自家憐君不見

果州劉鼎石新詩首首驚坐客行路長歌蜀道難手

抱琅玕望空碧

劉又詩云磨損胸中萬世刀

昔賢贈楊者云女無美惡富者妍士無賢不肖
窮者鄙使者逢時遇合豈必減當世之士哉愚
贈鼎石蓋取諸此時也命也如天道何

雙喜篇贈顧象葵

有序

象葵吾黨中君子也進止純懿一門友義予
仰之素矣前年來司鐸梁山予以庵中硜硜
小禁坐春風者僅雨三度耳今春予病店止
酒不出庵者一年第文進秀才自城中來問

予始知象蔡生子交獎乃作此長句贈之懸
知象蔡必見招呼而不知予非昔日量也大
瓢貯月歸春甕小杓分江入夜鉸蓋長公汲
江煎茶之詩予病後止酒更嗜茶習習清風
生兩腋乘此清風去蓬萊茶之興原不減於
酒故贈象蔡之詩不覺發之於辭云

蒼靈駘蕩暮山紫暖風花撲仙人几宮牆別有一般
春綠波碧色輝桃李彥先致身何太奇青宵孤立紅
鸞姿少日華飈吹麗藻鮫人雲浦纈烏絲萬里我曾

遊鋏屨獨立百花看
淖約五龍聯穎共芳菲
樓臺嶙峋飛花萼
被翁一日蟠龍巔
揭車茵桂佩娟娟今日
先生知絳帳舊時居士
卽青蓮顧我牽迂飽溪
菽逢人每調無絃曲朱
華素雪總關情東風不
到虬螭谷偶聞丹穴生
鸞凰鬱葱佳氣滿槐堂
想有銅人話疇昔豈無
鋏杖壽椿篁硤玉佳兒
將試晬榮名況復收蒼
佩千金駿骨人通闌一
盼方歎知價倍丈夫適
意甘羹藜家家飲酒望
青齊孰知名教多樂事
烏紗何必照通犀江湖
一望誰知已爲君調笑
雙喜春歸

幽谷聽遷鶯之官華域還携子歌成須飲三百杯湯
餅應餘鴨綠醅此去鄭鄉看咫尺山人之酒何時開
生平疎懶惟種秫豈綠適軸生嗽促暫時且學止酒
陶猶能不廢顛茶陸渴懷何日慰龍芽大瓢貯月春
山綠適軸見毛詩王元長曲水詩序云適軸之疾已消

晚坐

石上松間亦可憐匡床竹几坐留連殘霞挾電明還
滅驚雀將雛去復旋感事偶歌秦吉了因風長問傳
延年杖藜自笑機心少韞脚科頭晚看泉

吉了鳥名唐樂府也唐書樂志云嶺南有鳥似鸚鵡籠養久則能言南人謂之吉了開元初廣州獻之識人情慧於鸚鵡漢武帝本紀書南越獻馴象能言鳥即吉了也白居易元和四年作新樂府五十篇專以諷諭爲體秦吉了其序云秦吉了以哀冤民

送吳鳴山落第西歸

孤雲匹馬共悠悠
久客將歸歲已秋
滇海夢中何日到
盧溝橋畔幾人愁
紛紛縵漸隔桓伊
笛凋敝先看季子裘
蜀水燕關千萬里
不堪回首仲宣樓

馬扶風長笛賦紛紛縵蟠糾纏宛蛺蝶注云皆聲紛亂貌

寄宗姪章續聞白泉水變猶留意於玄也

諗之以詩 二首

細雨空堂清夜徂
翩翩憐爾去時孤
眼前弓冶看成
派匣裏雌雄喜
欲呼我老頻年
依白墮吾宗今
日見韓符
宕山阻絕音塵
邈幾度相思問
鴈奴

好去慇懃寄白泉
蒲團且廢講
堯玄三微河漢
連天漲萬壑
魚龍帶地遷
顧我髭鬚新
染雪笑誰難
大欲登仙
何時洗淨丹砂耳
來聽清風月下絃

高青庵過二姪家數日枉之不至
敬以八

句

故人別後長芳蘅。蜻蛚逢秋向晚吟。病骨漸同玄鶴瘦。詩思還共紫芝生。阮咸應盡騰觚興。王粲須知倒屣情。說與伯恭渾不解。翩翩策馬度柴荆。

戲荅大池病中見寄

大池爲修煉。買粲病後逐之。

萬事悠悠阿濫堆。隨風前路落蒿萊。眼穿久訝冥鴻斷。地僻焉知突馬來。九鼎聞收桃葉女。三春空覩壽陽梅。渡江一去知何處。示病維摩莫浪猜。

桃葉王子敬侍女也有詩云桃葉復桃渡江不用楫東坡詩云但恨不携桃葉女

荅人

半畝茅堂枕白沙。栽松植柳卽爲家。青虫日晚懸簷
出。黃葉風輕繞澗斜。生理年年占八穀。修仙箇箇問
三花。江湖無限東陵地。種得菰蕡勝種畝。

八穀星名丹元子步天歌云階前八星名八穀註云八星在紫微西蕃之外五車之北一主稻二主黍三主大麥四主小麥五主大豆六主小豆七主粟八主麻子明則八穀皆成暗則不熟

春城歌贈李子喬明府

春城春城何所有。城中盡是陶潛柳。江邊畹側如并

棠召伯歌聲不離口春城春城何所嘉城中盡是潘
岳花曉風一夜河陽發闌闌家家醇彩霞花明柳暗
圍明府髓風向日尊前舞飛上頭來作法冠粧在胸
前成豸補笑我生平志未休十二巫峰掛蒺藜郢城
何日看花柳兩腋翩翩黃鶴樓六年隔別無由面枕
邊笑語時時見媿乏瓊瑤可報君題詩爲寄樊城扇
右子喬性冲淡令通道人多懷之爲余遠寄日
錄序文贈荅以此

題贈顧象葵便面

一官迢遞歲頻更三蜀文華舊有名豈謂河魴才可
食祗緣翰墨味偏清白鹽壁立嚴師席巫峽江澄照
宦情別去何時溫笑語坐看鷗九欲飛鳴

贈曹荔溪中丞西還

一別蟠龍閱歲華春鶯遙憶紫垣花玉符清映淦城
水霜鉞光分灩澦沙直道北來知鍊石玄文西去變
煙霞客星只恐搖銀浦莫遣絲綸上釣槎

寄白牛和尚

白牛白牛形如鰽白牛白牛皎如月瀉山霜冷洞庭

竭試問白牛何處歇山兀兀今水迢迢東明骨冷不
能招幾時淨掃松石腰風送龍潭慧餅焦

贈黎學博

文僖公之孫

洞庭渺渺七百里衡岳層層萬疊山如此山川堪作
畫豈無豪傑生其間鄭虔才大官猶冷莊駕吟多髮
未斑欲訪華容耆舊事蟠龍雨暝白鷗灣

聞忠宣公劉時雍皆廼祖之門人故有耆舊
之句

謝傳達吾送日錄序

醉臉昏昏策杖藜瑤光杲杲下茅茨人間鴈到花黃

日天上虛橫月白時欸段自思非駿骨砥硤今已化
瓊枝乘風欲寄登堂意對使先吟木李詩

邀蕭學博

時寓佛果寺

荒村春作亂如麻水塢茅茨綠樹遮黃犢犁穿三畝
雨杜鵑叫破一灣花放翁好古書連屋桑苧耽貧客
亦茶路上不須窮姓字萬松深處卽吾家

荅顧象葵

梁山天偶漏無人上天補急去求媧皇媧皇問河鼓
河鼓告星茄星茄首亦俯藥師跨駒駉一滴大于股

商羊僅一足只向雲邊舞我欲提兔鐵猶恐有所主
溱哉此元元無故倒銀浦杜鵑日催耕農豈盡斤鹵
徒胥呼文田蹕彼啞啞櫓去馬與來牛悠悠如蠹齩
惟有快活翁朝朝醉馬乳文思發靈竅欲去遊天姥
乘彼巽二車颼颼登蕙圃便到蓬萊宮訴此蒼生苦
不意故人書偶下辛夷塢開械如見面錫我龍根脯
且對故人言代此瘡痍吐

寄謝顧車張萬四博

雞園徒倚解螺舟龍舂徘徊亦勝遊自憶此身依白

社孰知有客對青州蔡邕倒屣情偏厚山簡臨池興
更幽歸到柴桑剛爆竹滿衢燈火映簾鈎
自彈綠綺自垂簾未必夔州卽久淹官到廣文知獨
冷時來苦李也生甜五溪諸水通三峽赤甲群峰接
白鹽却恐蘇湖輸此景令人回首丈人尖

贈劉明詩

九日題詩萬壑秋一錢遙憶固陵劉雲霞天上頻飛
鳥刀劒人問盡化牛顧我青山惟臥酒思君白帝欲
登樓明年拄杖匡廬去灩澦波平卽放舟

鮫鮪篇

送人南遊

海鶴西風一萬里飲啄王母瑤池水長鳴多在霄漢
間澤國稻糧空瀰瀰中原虎鬪一著棋先後輸贏不
得知倏爾野雞精變怪高崖深谷忽參差昭君琵琶
聲轉澁總爲胡塵彈不得早知薄命是紅顏生時何
必傾城色仰看青天青天如碧波俯看澄江澄江如
翠蘿大開我眼孔碧波翠蘿如予何西有長庚大于
斗夜夜來照我鵝九昨日照紅顏今日照白首黃鳥
啼花花不言不是舊時樊素口陶潛將鐵鑄成腰門

前只種先生柳滾滾洪濤上向東拍天煙霧總歸空
爾不與世爭飛今何異乎以鸞鳳爲鴟鵂爾不與世
爭潛今何異乎以蜺蜉爲螭龍乾坤原浩蕩物理有
磨礱叔夜不須踈吏部桓譚終是識楊雄丈夫行藏
何足計竿木隨身聊看戲莫怪鯢鮓喜滌潢海波原
未見茫茫

獨步

散髮行歌獨拄鳩薜蘿回首草堂幽誰言被褐懷珠
玉自信忘機狎海鷗風送暮煙闌夕照鳥銜秋色過

汀洲懽呼剩有王猷興未必山陰好放舟

贈吳徵君

長愛幽居暑亦寒。春容隱几竹皮冠。西山斫藥雲生屐。南澗垂綸月上竿。四皓有芝皆化紫。八仙無酒不成丹。晚來吹笛藤蘿外。月色娟娟只自看。

讀江津名宦甘公碑

大蕭協小蕭。廉泉飛其麓。逍遙金岌業。玉隆高景福。間世出聞人。雲龍相追逐。前有徐孺子。後有黃山谷。我昔夢輕舉。飄飄騎海鵠。葛仙約煉丹。石鏡光可矚。

前年寄我書蛇蚓不可讀似約三年後瀛洲登影木
正欲遊梅嶺慰此喧卑促偶得永昌碑慙之同霧縠
却娶此邦人聲響迭琴筑召伯甘棠詩萊公路傍竹
學道則愛人感應原自速漢獨重循良餘子等碌碌
何必歆廟廊不須嫌矮屋

與張小村飲薄酒席上口占奉贈

西街酒淡淡于水軟盡杯終長帶滓不如飲水水猶
清世情世情鬻售應如此張生碌碌負年華璘璠色
色見奇葩走馬金盤呼五白片時定有萬人誇坐中

三五談玄客。吞醪澆醺猶高格。蒲堂笑譁欲天明。銚
鑷塵起無肴核。自古屈伸無定期。壯士停杯聽我詩。
假令雨久淒涼日。便是樽英酷烈時。君不見高陽酒
徒懷抱惡時命。不來甘蕩落其間。生計更蕭條。長與
隣家編苗簿。突然光焰生。薊纛朝爲戟。士暮封侯咳
唾之間。安社稷。左擠諸呂。右扶劉

顧象葵。許載酒。快活庵遲之。再三不至戲

以六十句

一別何時思惘然。百靈曾許澆雲眠。四休冷淡知無

地。三徑風流別有天。酷暑易生司馬渴。枯腸難禁汝
陽涎。蝸廬鷗席如違約。翠壁紅泉亦可憐。

連日欲雨不成雨。故人阻絕奈之何。十旬九醞貧家
少。綠竹蒼藤野外多。老去息機思舊侶。醉來彈鋏喜
長歌。山陽興發同沈頓。便臥虬松枕鷺梭。

送劉思泉

數夜不成眠。相思亦可憐。五年新百歲。赤子頌青天。
春酒迎花柳。征輶向澗瀍。逆知劉寵去。不受別時錢。

題華封三祝圖壽楊東泉少府

積陽真朱光脩景迎南陸豈知在乾封願亦見四目
賴我關西楊隨車注膏沃一誠格真宰琅玕呈披腹
倏爾騰涌煙四野如撒菽翻笑不空子手皴數寸木
正適懸弧期士民慶玉燭徐生自遠來生綃持一幅
不獻鶴南飛却獻華封祝索我山人詩匆匆掃兔禿
我不願明公多富滿囊簾但願祝生男慰此萬事足
楊清苦如冰葉間斷如神蓋古之循良也

時值亢陽爲雪民幾栽插

公翦爪致誠四野如注梁山接墊江忠州萬縣

達州開縣新寧大竹七境俱無雨惟梁山獨
霑足焉非異事耶可以占

公一念之誠矣適

公誕辰徐生柳庄公父子索余詩書此壽之

來瞿唐先生日錄

八關稿

當置酒

古樂府宋孔欣置酒高堂上梁簡文帝當置
酒唐李益置酒行其辭畧云朝日不久盛川
流常宵征生猶懸水溜死若波瀾停又云日
往不再來慈辰坐成昔安得爽風羽崦嵫駐
靈魄大抵以浮生倏忽當置酒行樂三辭皆
一意也愚以人之寄世苦不多時而乃淪落
塵海不得高出雲冥者不過纏綿富貴貧賤

生死進退八關而已而其病源則在好勇好
貨好色有以使之心爲形役凡民無足論矣
每見英俊之士逢關卽墮惜哉殊不知有鎔
鑄乎我者得此霸業以破八關雖不能徑入
無欲之室亦可以掃塵根而窺明堂矣乃作
此八有廣之

進關

君不見積雪爲山山不成。盡餅療饑笑殺人。步虛兩
版未生翅。不如自在坦途行。梨花莫染桃花色。錢結

不生龍伯國。年年點鍊欲成金。九轉依然一片黑。身
化爲鶉眼。化鴟。澁劍還同瘦馬嘶。髣髴白髮三千丈。
一寸愁腸一寸絲。當置酒。當置酒。勸爾勸爾莫競進。
空羨東華塵撲駿。不識黃楊原滯閏。

退關

君不見酒深傾。跌醒時。海娥眉富豔。身先瘵。將軍不
學赤松遊。蒯通終作多言鬼。丞相樓臺高入天。呼吸
生風咳亦煙。惟有黃犬世間寶。有權不得片時牽。誰
人喜上千尋樹。上到樹梢無去處。風擺雷轟下不來。

雲須霧毒。迷歸路。當置酒。當置酒。勸爾勸爾。早知退。
一箭射穿蟾兔背。力盡終須落闌闌。

貴關

君不見。彥升。裊裊綰銀黃。聯鑣許郭。駕曹王。彈劾曹。
劉。声焱赫。清塵滿路。慕羊莊。大殢一日歸東越。含酸。
茄。歎那飛潑。鴈兒啄啄。各流離。嚴冬霰雪。猶披葛。歸。
華別葉。轉風輪。昨日論交。誰是真。死灰惟見。今飄泊。
肯思雕炭。昔璘霽。當置酒。當置酒。勸爾勸爾。莫言貴。
前車馬多如蝟。朝起紅塵暮生卉。

披葛事見李善註

富關

君不見東溟西渤水悠悠。河伯誇口騎鯨游。鼯鼠聞香千里到。一飽眉攢卽掉頭。金谷樓臺甃釜壁。千甍萬構連天碧。及爾半夜偃臥時。占斷依然剛八尺。郭金貯穴張羅鐘。一身有限物無窮。八百胡椒無處用。也與塵生甑底同。當置酒當置酒。勸爾勸爾莫貪富。高明有鬼啼清晝。偶因腐鼠翻生臭。腐鼠事見六帖

生關

君不見鴻鴈雲裏陣成行。前者叫雪後呼霜。一時過

去成陳迹。白雲蒲目天蒼蒼。天地生人當如鍊。千年
萬年居浩劫。如何呼吸氣成生。一口不來燈卽滅。聞
君夜夜千年憂。鷄肋將休又不休。有時魑筆通勾斷。
浮羽沈鱗貉一丘。當置酒當置酒。勸爾勸爾。吳憂生。
輓轡常日息心兵。濫堆風起任蕭蘅。

死關

君不見洛水脩印墳累累。珠襦玉匣排金紫。烏鴉不
怕舊英雄。寒食都來銜鬼紙。太陵光發幾株檉。狐鼠
齧痴白日呼。一半又收田畷冊。不屬當年墓大夫。祖

龍拔山山卽倒。椒房蘭麝誰知鮑。雪塘寒月更愁人。
曾照吳公臺上草。當置酒。當置酒。勸爾勸爾須知死。
買絲繡得信陵起。長髯廣額竟誰似。大陵星名主天下墓

賤關

君不見火燒樗木半枯槁。難瘳蟻胝苦蘚老。一朝呼
起居士名。千人萬人來祈禱。人間至賤賤騎奴。人間
至貴公主夫。配合不分人貴賤。乾坤一向雪模糊。時
平時平如剪綵。朱門白屋一時改。亭長不通蒼頡書。
橫戈五尺平滄海。當置酒。當置酒。勸爾勸爾莫厭賤。

胡風朔雪欺卑線。寒崖吹律俄而變。

貧關

君不見豫章梗楠充棟梁。白牛連鞅雙輪僵。枯桐僂
薄一人把。嚴春賀若相操張。自古文章憎命達。龍團
翻爲薑鹽奪。假令學聖賴金貲。陶朱先已傳衣鉢。原
憲茅堂積野蒿。風淒雨慘寒號回。琴點瑟徽清響。
千秋萬歲相孤高。當置酒當置酒。勸爾勸爾自安貧。
白水青山烏角巾。間朝長蒲十分春。波詩老妻稚子
不知愛一半兒

入薑鹽前

來瞿唐先生日錄

遊吳稿

楊文節公萬里江湖集序云予少作有詩千餘
篇至紹興壬午皆焚之大槩江西體也今所存
曰江湖集者蓋學后山及山及唐人者也又
荆溪集云予之詩學之愈力作之愈寡嘗與林
謙之屢嘆之又南海集云予詩每變每進今老
矣未知能變否能變矣未知能進否古人用心
之苦若此某作詩隨意興所到亦未嘗計工拙
亦未曾學人亦未曾焚其稿若一時忘其收錄

則有之矣獨遊吳稿三百多篇一友人借去竟
散失是以南岳廬山諸詩無一首存者此數篇
乃張成夫宦蜀携來刻之爾廬山寄袁計部詩
一首湖廣朋友能記之亦未入此錄噫我命之
窮通有數矣我詩之存亡亦有數耶書此一咲

登小孤山

三首

岷岫危亭古蒼茫落照孤竇刀脩卓筆金斗熨平湖
歸去知彭澤重來爲湛盧凭欄時北望五色繞清都

其二

孤根盤水府飛閣漱天潢彭蠡秋濤濶潯陽棹影長
花濃三峽曉月冷九疑霜應去邀浮伯同來坐斗傍
其三

四面煙花接三湘樹色通嵐光撐素岫晴日墮空濛
有客同談劍看誰詠轉蓬題詩長嘯去一葦任西東

蜩磯廟

二首

蓋殿龍蛇古瓊宮煙霧浮鼎湖今有主吳蜀者空愁
旅鴈屯沙月漁絲起夕詎蘆花多故壘何處是歸劉

其二

不爲尋奇勝無由棹晚風磯沙通燕子帆影帶鱗叢
舊業憐三鼎新恩錫九龍爐煙江霧接疑是永安宮

鞋山篇

我聞崑崙層城三千里玉樓十二擎天起左帶瑤池
五色雲右環翠水無涯涘憶昔真宰混一元獨有茲
上鎮乾坤去地不知幾千幾萬尺南衡東泰俱兒孫
兒孫瓜瓞太繁庶混沌氏乃分付曰尔各九州四海
去五老居住茲山已多時鶴足鵲眼虬松鬚老人之
情愛幽獨不似羣兒到處居偶然一日跨白鹿杳杳

穿秦復度蜀江南江北總無情來向廬山尋瀑布瀑
布年年噴雪花三千弱水隔煙霞丹砂雲母圍琪樹
回首乾坤一望賒嵐光水色如人陷瑤華玉醴朝朝
樂誰知生女不生男百年翻令成落寞大者湘娥嫁
舜皇左禹右稷禪陶唐離鴛別鳳蒼梧遠九疑歲歲
哭瀟湘泝陽路渺空瞻望捐玦遺佩知何方元君採
藥入衡麓回首蒼煙迷草路欲往尋之問懶殘道在
雲深不知處山中尚憶魏夫人金書玉簡相朝暮
磯夫人嫁劉郎諸兄風味攫虎狼永安白日蛟龍死

玉妃喚月歸海底我

祖南來靖江濤新恩方錫九龍袍蕪湖江下稱靈澤
虹吐鯨吞還食血惟有大姑小姑不嫁人蓀梁蕙棟
水之濱小姑居其下大姑居其上五老居其中蹁躚
永相望有時二姑或聚首琳琅偃蹇相先后晚粧煙
水綠雲鋪亂發臙脂之膩成五湖却將小姑鞋流向
湖心伴綠蒲千年萬年底柱到洪都豐隆不可震巽
二不可呼看尽吳艤蜀舫銀波雪漲捲模糊人生有
志志各殊湘妃母儀天下無元君白日騎仙駉螭磯

相夫終死夫二姑不綉鴛鴦不怕孤一幅清水懸玉
虛同與人間作畫圖嗚呼人言有女必嫁人我言不
嫁也亦可試問山中五老來嫁與不嫁同鬢髻

歌風臺

秦宮鹿失楚猴逐白蛇染血烏騅哭咸陽竹帛入煙
消風捲山河成破竹功成還憶沛中來前度劉郎今
又回翠華渺渺述歸路金戈鐵騎響成雷白旗黃鉞
環系梓芒雲碣霧排光紫人間喜羨錦衣還未必亭
長爲天子憶昔賤爲亭長時一身落魄苦奔馳懶讀

詩書不識字佗條長爲鄉里嗤孰知風物一時改手
提三尺平滄海自着戎衣閱歲華去住家山今幾載
酒酣自作三侯章兒童拍手繞壺觴因思得國憑三
傑猶欲斯人守四方遂將此地爲湯沐青山白水蒙
優沃飛甍複道峙中天竹籬茅徑成黃屋我來猶有
歌風臺昔之慷慨何壯哉一自鼎湖龍去后白沙黃
霧起塵埃神雀醢雞同啾唧東流泗水無昏曉寒鴉
啼處野棠開傷心不獨虞姬草

黃鶴樓

城郭參差水帶沙峰巒翠律走龜蛇千蕙煙繞仙人
閣五色霞分帝子家天外看誰還跨鶴寰中有客文
乘槎桐山雙鳳棲何處一望晴川樹色斜

燕子磯

紫燕依孤壁紅亭瞰大江烏衣無永巷白下足回翔
上氣蟠龍虎丹丘枕鳳皇崔嵬通鳥翮迢遞繞龜梁
二水浮空廓三湘接渺茫遠峰雲若布極浦樹如茫
脩竹分仙宅苔階更上方芝留千歲草笛落五更霜
松檜排虛牖煙霞護短牆匡欹陶淡鹿石跪左慈羊

揮袂邀浮伯披裘覺漫郎步遲嗟謝屐詩瘦問奚囊
顧我登臨晚看誰引興長偶來思豹隱歸去有鷗莊
六代人文歇孤舟賦客狂江山成代謝南北惜年芳
不盡留連意飄飄上野航

來瞿唐先生日錄

石鼓歌

昌黎直指爲宣王之鼓者以我車旣攻之句
同耳且鐫石勒成類非瓌瓌之主所能姬周
獨宣王恢復文武之舊故直信之無疑矣愚
觀石鼓字多泐滅一圍頑石耳韓蘇先後作
歌者重宣王也然則人可甘爲下流哉我苟
賢雖枯琴瓦硯人爭珍襲我苟不賢雖隋珠
趙璧人亦莫之問也嗚呼一石千年且有屈

伸而人生二三十年之窮通可置之咀齟耶
故學者當自立不可以窮達移志

辛酉之歲月在午程生約我觀石鼓是日歆蒸生微
雨主人掾榼盈桐乳初觀豈讀羅堂庶恍疑鈇鑊及
錡釜及觀字畫半泐縷蝦蟇齧斷弄妾股桂華根折
枝鈺頰老兔竊藥奔銀浦媧皇死後少縫補金樞誰
人脩玉斧天仙下海尋天姥三三兩兩駕飛鱗醉狂
帽落衣襤褸鯨魚驚走蒲 舞諸生觀者皆環堵一
笑瘖蟬吟難吐憶昔岐周開原隴十亂五臣爭蓬蒲

昭穆八駿驅馳苦龍樓蚪旛巡水府宣王抗志繩其
祖六月棲棲發兵琬一時賢相尹吉甫元老方叔皆
良輔東都百辟羅參組會同奕奕光西潁鐫功勒績
破山嶠陳叢列路告文武周道旣衰歌皇父七雄橫
戈闔獠虎中原戰骨齊天崔百姓誅求盡梁稌司燿
譴責蒼頡怒災及丘墳燒籍簿從此元元無訓詁儒
術不用用屠賈此物弃置同鬻甕霜零雪壓啼鷗鷺
蛩跡蠶痕蟠繡黼無人愛惜移庵虜百年瞬息箭到
弩歷唐迄宋鞭飛駟吉日車攻辭麋麋句同義合符

千古韓蘇二子文章圃先後俱信中興譜慙勤作歌
告聳聳表章之功不下禹我生最晚况朽腐曾毆儒
禽結典畧幸今經術崇東魯披雲撥霧青天睹安置
妥帖到橫宇珍重不啻栢梁柱當年寶器光媚嫵天
球河圖列行伍到今都變滄溟瀟東飄西泊十無五
不如此物罕童叟千年有客來摩撫吁嗟凡物屈伸
默有主人生區區窮通何足數倘爲賢人縱貧窶輒
珎硃硃亦良珎倘成不肖同瓠脯隋珠趙璧亦草莽
信眉立脚須响嶼振衣抖擻甦寰宇堯舜周孔非有

赤子良心皆自剖莫學蜉蝣無腸腑朝生翅羽暮

泥土